

Oahppoplána

Dieđalaš bargu ja dutkanmetodat

OKT 307

10 oahppočuoggá



1. Oahpu namma

Sámegillii: Dieđalaš bargu ja dutkanmetodat
Dárogillii: Vitenskapelig arbeid og forskningsmetoder
Eanjalasgillii: Research methods and practices

2. Oppalaš dieđut oahpu birra

Oahpu koda: OKT 307
Dássi: Master
Viidodat: 10 oahppočuoggá
Galli lohkanbaji badjel: 1
Oahpu lágideapmi: Oassi oahpahusas lágiduvvo fysalaš deaivvadeapmin Guovdageainnus, ja oassi neahttaoahpahussan.
Fágalaš latnjalasvuohta: Oahpus lea 10 oč fágalaš latnjalasvuohta OKT 301 Diehtu, dieđalaš bargu ja dutkanmetodat (10 oč) oahpuin.

3. Oahpu gullelašvuohta

Oahppu gullá Sámegeiela ja sámi girjjálašvuođa masterprográmma oktasaš geatnegahtton kurssaide.

4. Sisabeassangáibádusat

Ohccis galgá leat sámegiela ja sámi girjjálašvuođa bachelorgráda dahje vástideaddji oahppu. Gáibiduvvo, ahte ohccis leat 90 oahppočuoggá čiekŋudanoahput sámegielas eatnigiellan. Bachelorgráda gaskamearálaš árvosátni galgá leat C dahje buoret. Studeanttain, geain lea cand.mag.-dutkkus, galgá leat sámegielas gaskamearálaš árvosátnin 2,7 dahje buoret.

5. Oahpahus- ja eksámengiella

Davvisámegiella lea váldo oahpahus- ja eksámengiellan. Eará sámegielat ja suoma-, ruota-, dáro- ja eanjalasgiella sáhttet adnojuvvot omd. guosselogaldallamiin.

6. Sisdoallu

Oahppu láide dieđateoriijai ja studeanttat ožžot vuodđoáddejumi dutkama iešvuođain, ulbmiliin ja bargovugiin. Studeanttat oahpásmuvvet iešguđetlágan diehtovuogádagaide. Dáid lassin guorahallojuvvot iešguđet dieđasurggiid filosofalaš ja metodologalaš vuolggasajit – earet eará árbevirolaš diehtovuogádagaid vuolggasajit.

Oahpu geavatláš ulbmin lea eandalii doarjut studeantta masterbarggu ráhkadeamis. Studeanta ávžžuhuvvo válljet oahpu geatnegahtton bargguide dakkár temáid ja fáttáid, mat laktásit su iežas masterbargui.

7. Oahppanjoksosat

Oahpu čađaheami maŋjel lea studeanta olahan čuovvovaš oahppanjoksosiid:

Diehtu:

Studeanta

- dovdá humanisttalaš ja servodatdiehtagiid dieđateorijaid guovddáš vuolggasajiid ja duogážiid ja ádde, mat leat su fágasuorggi masterbargui heivvolaččat
- ádde guovddáš dutkanmetodaid vuolggasajiid ja daid teorehtalaš ráddjehusaid
- dovdá kvalitatiiivvalaš ja kvantitatiivvalaš metodaid erohusaid
- dovdá árbevirolaš dieđu dutkama vuolggasajiid ja dutkanvugiid

Máhttu:

Studeanta

- máhtá hábmet heivvolaš dutkančuolmma iežas barggu várás
- máhtá hábmet dieđalaš hypotesaid ja iskkadit daid
- máhtá geavahit dieđalaš metodaid iežas čállošis
- máhtá árvoštallat ja ságastallat teorijaid ráddjehusain kritihkalaččat
- máhtá árvoštallat dutkamuššii guoski ehtalaš gažaldagaid ja dutki posišuvnna

Oppalaš gelbbolašvuohta:

Studeanta

- máhtá hábmet metodalaččat ja teorehtalaččat ákkastallon čálloša
- máhtá árvoštallat iežas ja earáid oainnuid kritihkalaččat dieđateorehtalaš ja metodalaš vuolggasajiin

8. Oahpahan- ja oahppanvuogit

Logaldallamat, ruovttubarggut, joavkobarggut ja seminárat. Seminárain studeanttat galget ovdanbuktit iežaset bargguid ja kommenteret mielstudeanttaid ovdanbuktimiid.

9. Gáibádusat beassat eksámenii

Čuovvovaš gáibádusat leat eaktun beassat eksámenii:

- Čállit čálloša iežas válljen fáttás lohkanmeari ja/dahje logaldallamiid vuodul. Čáluš galgá leat gaskal 8000 ja 10000 sáni.
- Fágalaččat kommenteret unnimustá ovtta mielstudeantta barggu.

Gáibádusat galget árvvoštallojuvvon ja dohkkehuvvon mañemusat 2 vahku ovdal eksámena.

10. Eksámen

Eksámen lea 2-vahkkosaš čálalaš ruovttueksámen. Studeanta čállá 10–12-siidosaš eksámena mii guoskkaha dieđateorehtalaš gažaldagaid fáttás mii lea čadnon studeantta iežas masterčállosii dahje eará sullasaš dieđalaš bargui.

Árvvoštallan: Árvosátni A–F.

11. Leago privatisttain vejolaš váldit dan oahpu?

Ii leat.

12. Kvalitehtasihkkarastin

Čujuhuvvo [Sámi allaskuvlla kvalitehtasihkkarastinvuogádahki](#) ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohta searvat árvvoštallamiidda mat leat oassin kvalitehtasihkkarastinvuogádagas.